

آذربایجاندا گیچله ن باسقینتیا اعتراض ئت مه ک لازیمدیر

نیچه مدت دیر کی اسلام رژیمی آذربایجان سیاسی ومدنی فعال لارینین سیاسی و فرهنگی ئیستک لرینی اورتیا قویوب و اونلارین عمله چاتماقینا چالیشانلارین شدتیه فشار و زور آلتینا آپاریب. معلم لر، ئیشچیلر، اورنجیلر، یازیچیلار، قادینلار و جوانلاری و ژورناسیتلری بیربهرانه ایله توتوب واونلاری دوستاقلاردا ایشکنجه آلتینا آپارماقینان ئیستیر کی خلقین گوزینین ئودین آلیب واونلارین سسیننی بوغسون لار.

مهر آئینین باشلانماسینان رژیم آذربایجاندا بوسیاسته شدت ورب وچوخ انسانلاری یاخالیب و اونلاری مختلف زیندان لاردا حبس ئدیب دیر. رژیمین بو حرکتی نشان ورب کی ایسلام جمهوریتی باشقا آذربایجان خلقینن اوپانیشین نان واونون دموکراتیک ئستک لرینین جامعه ده مطرح اولماسینان قورخور. آیدین دیر کی تاریخ بویو ایرانین استبداد رژیم لری هروقت کی بیر چتینین بحرانلاریلا مواجه اولوبلار وهروقت کی ترپیشلر وحرکت لر خالق ایچینده ئوز چوخالماقا قویوب و ئونلار ئوز حاکمیت لرینی خطرده گوروب لر، اول جن ئوز توتوب و ستم آلتیندا قالمیش و ملی ومدنی حقلری تاپتالانمیش خلقلرین فعال لارینین سرکوبینا باشلیب لار واندان سونرا تمام آزادیخواه لاری سرکوب و مترقی وانقلابی حرکت لری سراسر ایرانانابود ئدیبلر. بونلار ستمکش خلقلرین آزادلیخ و مساوات یولوندا مبارزلرین « تجربه طلب» آد قوماقینان ئستیریلر کی ایراندا عظمت طلب ناسیونالیسمی داهیدا چوخ راخ آیدیب وانقلابی حرکت لری سرکوب ئدیمه ک اوچون ئوزلریه متحد ئله سین لر. اوندان باشقا چوخ تشکل لر وسازمانلار که اونلارین هله ده بیین لری ایرانین شوونیستی وعظمت طلب اید ئولوژیسینن آت آشغالیندان تمیز اولمیوب ، اونلاریدا بو عرصه ده خنئی ئله سینلر.

بلوچستاندا و کوردستاندا، اعدام وسرکوبین شدتلنمسی، آذربایجانلیلاری بوسعت ده یاخالیب وزندانان باسماقلاری، بوواقعیتی چوخ اچیخلیقنان گوستیریر. مخصوصا خلق لرین داهیدا آیین ماسی واونلارین ملی ، جنسی وطبقاتی ستمه سون قوماق ئیسته مه سی و آزادلیق یولوندا چالیشمالاری و ملی هنری و فرهنگی انکشافین چوخ گنیش شکلیده جوانلار ایچینده آخیب داشماسی، سوسیالیست وچپ قوه لرین بوحرکت لرده نقشی واونلارا انقلابی مضمون وسمت وسو ویرمه سی ، رژیم واونون مرتجع طرفدارلارینی داهیدا قورخودوب وئیشلرینه ولوله سالوب. اوناگوره بوایتهام ویرماقلار ، فشارلار وسرکوبلار استراتژیک سیاست دن سرچشمه توتور. بو هیله لری خلقین ئیچینده آیدینلادماق گرکدیر. سرکوب لارا سون قوماق ئوچون گرگ زندانلرین آزاد اولماسینا تلاش ئدیب ومخصوصا خلقی ارتجانین بو عملنن کولرینن آشنا ئیدمک لازمدیر. اوندان سونرا، قدیم دن دیبیلر کی ، تک الدن سس چیخماز؛ گرک هم زحمت کش خالق آیدیب وئونلارین اعتراضی حرکتلرینه دامنه ویرماخ وهمیده آیری خلقلرین سیاسی وانقلابی حرکتلریندن مدافع ئیدمک ایله ئونلاری ئوزیمیزیله متحد ئیدک. بو مبارزه درین واوزون مدت باخیب وعلنی مخفی تشکیلات قوروب و صنفی ، سیاسی ، فرهنگی حرکت لرده ال وورماق و اونون دامنه سین گنیشدیریب و آیری حصه لره تعمیم ورمک بویوک وظیفه لرمیزده ندر. دوام ئتسین آذربایجان خالقینن ملی سیم ، جنسی ستم و طبقاتی سیم علیهمنه آپاردیغی مبارزه

یاشاسین آزادلیق

یاشاسین سوسیالیسم

کمونست فدائیلرین آذربایجان ایالتی کمیته سی ۴ مهر ۱۳۸۷